

四庫全書

集部

欽定四庫全書

御製詩三集卷四十六

古今體一百一十四首

乙酉四

閱河四依

皇祖詩韻

閱河歷歷仰

堯營挈要云由地裏行稍事調停在清口下河連歲幸

收成

河臣向皆靳拆清口平時節宣未暢下游易遭澇  
溢壬午春巡定制以高堰五壩水誌高一尺清口

即開放十丈為準下河頻年  
不受水患歲穫亦慶屢豐

御安福艦

第一行營駐水郵明朝將進湖游舟廵方為重久安榮  
育物敢忘錫福籌風月仲春纔澹蕩湖山南國正清道  
觀民展義寧無暇依舊吟蓬會景投

清江浦

渡河今日莅清江沙岸邊旁艤鳳艘便覺景光非壯地  
行看佳麗到南邦建牙近守金隄固

總河衙門建於是  
以近清黃交會隄

工最要

置牖永期玉柱杠

惠濟閘為通津要關鍵

向晚澄波印新月

謚人神思果無雙

賜江南河道總督高晉疊舊作韻

東南稱澤國保障界雙旌詎在工穿鑿惟應盡敬誠隄

堅幸黃刷口拓暢淮清

年米清口宣洩之法高晉善體朕意於啓閉尺寸一以高堰五

壩為程不惜拆清口壩之勞費是以屢年五壩不過水下河田廬並資利益

實爾推行善毋

須揚頌聲

月

水營濱運川玉波銀輪納望前光愈鮮春仲寒猶颯蓬  
窓不忍下還教移近榻三年別景趣一晌愜遊涉徘徊  
對清泠詎可無言答

反錢謙益淮陰侯廟詩即用其韻

謙益詩云豈知隆準如長頸夫信反跡已明豈得  
謂高祖忌刻如句踐乎是非倒置甚矣無知者猶  
有以彼言為當者故不可不正之

家臣謀詐赦官徒反跡寧同有莫須陛下早知能將將

項王嘗見語姁姁

二句皆藥  
枯信語

枉尋彼謾稱直尺

謂謙  
益惡

紫吾猶恐亂朱心事若殊陳代相那尋遺廟奠傾玉

謙  
益

有好為英雄  
奠一孟之句

### 過淮安府

漂母祠邊暫據鞍射陽城裏徹鳴鑾竟成減從還輕騎  
都為民親與俗安縱喜市頭平米價那無簷底歎衣單  
孳生庶更謀生窘不見其熙祇見難

### 閱淮安石隄再疊前韻

河工於何艱艱惟巨徐海山陽處其中人煙庶更倍所恃惟一隄因命以石改雖非探本計粗安賴歷載

皇祖有徽猷功同禹乘橈動皆合天人舉必究源委藐予四南巡繩

先志勤每曰述實非作仍以遵

神楫隄高將埒城詎曰安非殆淮黃苟暢消為魚憂庶罷顧咨司河臣莫恃茲晏愷常凜一心畏俾免萬民駭

賜漕運總督楊錫紱

內供卿貳外封疆司運今番政最良不必精嚴事皆就  
善於驅使衆胥襄即今水次排南舸弗誤秋來到壯倉  
楊錫紱奏今歲南巡漕船於水次分別更議僉丁蠲積  
前後頓置且二月逢閏定當如期抵通  
習向來軍籍各戶多攬易規避甚至藉捐銜冒考為巧  
於詭脫之計楊錫紱條奏立法禁治凡紳衿請託一  
除衆屏不徇流俗審應臧

### 即事

即事弗拘題所遇皆可詠夜雨曉漸稀朝風午欲定當  
其風雨時黃頭心固恠農父順帆舟亦豈無欣慶事蓋



艱兩全美還忌太盛詎惟所見然吾擬通為政

山東巡撫崔應階奏報得雨

兗沂經過為希膏欣悉春霖近遠

昨駐蹕郊城適逢春雨因諭崔應階

查迤北一帶曾否均霑今據奏報沂州初九初十兩日密雨淋漓蒙陰於十一日微寒作雪積地二寸餘而兗

州濟南青州三屬亦於初五初十等日得雨二寸至六寸不等麥苗既資潤長大田亦得乘濕翻耕農民胥慶

覽奏深詎止麥資香餅餌并聞黍可事耘耨孰非赤子為忻慰

孰能忘去聲為是殷心為此勞澤國已霑晴亦好得因清

暇一稿毫

過寶應縣

鳳舸泊川塘城闌緩控疆欲求萬民晏慎選有司良直

道由來久平安亦自臧

縣志漢時為平安縣至唐上元間因得定國寶改今名

元因得寶改縣失荒唐

晴三首

江郊宜雨更宜晴麗景迎曦嫩暖生催溜去聲東南風豈

礙

江南春月多東南風俗謂之催溜北上也

漲添順水送舟輕

東南風旋

去聲

轉西南藉卜開晴有俗談

南方俗諺風雲西南得晴占雲

散日輪光尚淡入波疑是玉蟾涵

柳態蕪姿入畫情隄梅又放兩三英似傳鄧尉催人意  
却為觀民不趲程

禱言

昨日東南風舟行誠覺遲今日東北風舟行迅似馳檣  
竿可張帆邪許喜榜師須臾風力足越馳乃如飛大船  
中流若無事小船前行數里計瞥眼大船已及之劬劬  
小船欲迴避迴避不能將壓臨憑覽獨覺驚吾心大小

不倫勢若此可恃為君莫吾比

過高郵州

覆孟城址艤行舟王勒城中歷覽周建置詎惟圖目覩

資生要欲悉心求下河獨斷幸無滯

前巡審悉河湖形勢因命河臣視高

堰五壩過水尺寸展拆清口以洩洪澤之漲連歲下河得免水患並獲有秋

連歲羣稱歌有

秋馬首拜恩亦奚藉哺孩寧復望其酬

車邏壩

車邏諸石壩所以洩狂瀾洩之水猶盛增置東西灣

丁丑

南廵以高寶湖河入江未暢因命於金灣加寬引河中  
間增置石壩而東灣滾壩則令落低壬午春親莅籌度  
並令將西灣滾壩落低亦謂悉心謀其如多來源洪澤  
四尺俾成建瓴之勢

過五壩厥勢誠滔天詎此所能救坐看潦下田因謀抽

薪計拆壩清口宣為之定尺寸寬窄相衡權前廵諭暢開清口以

洩洪湖視高堰五壩水誌如過水一尺即拆開十丈節宣永為定制年來守此策洪澤洩

漲前

天恩更未滂五壩無漏泉車邇常封土清口既暢湖水宣洩有資車邇

始得堅閉下河頻年幸不被水遂致屢豐下河有收連歷覽為額慶吾言中

偶然而此詎敢矜惟益勵惕乾

花朝三首

南邦四度度花朝每度花朝景物撩  
北地豈無二月望  
女夷應是夢中消

未見花開不免希既開轉覺惜  
芳菲試看玉簇錦叢裏  
已有嬌香幾片飛

苑枯誰所又誰能祇有無生是上乘  
却憶去年潭柘寺

去歲潭柘寺度  
花朝亦有詩  
悟拈花處得相應

初遊上方寺

灣頭遙見起平岡，聞說精藍有上方。雖是徑蹊畧紆轉，果然松竹不尋常。人禪漫論通其要，萬姓尤欣副所望。馬足紛隨定何礙，躡踪惟惜麥抽芒。萬姓隨馬足趨瞻，竟有踐踏麥苗者。既不忍嚴禁呼令莫履，麥田彼乃不聽也。

香阜寺

龍角蜀岡低

香阜俗又謂之小五臺，蓋蜀岡盡處如龍之角云。

花宮湧地棲浮

橋過運水下馬叩，招提三載誠脩爾。千秋可例芳天寧。

知不遠易舫進前溪

自高橋易舟至天寧寺行館即景雜詠

溪河廿里進輕舟行館天寧擬駐留問景誰當繫清纒  
平山待我有蘇歐

三月煙花古所云揚州自昔管絃紛還淳擬欲申明禁

慮礙翻殃謀食羣

嘗謂富商大賈出有餘以補不足而枝藝者流藉以謀食所益良多使禁

其餘華歌舞亦誠易事而豐財者但知自啗豈能強取之以贍貧民且非王道所宜也化民移俗言之易而行之難率皆類此



夾岸排當實厭閑殷勤難卻衆誠殫却後耕織圖前過  
衣食攸關為喜看

煙溪幾轉到天寧古樹真花蔚淨馨調御堂堂還丈六  
不絲毫分示遷停

天寧寺再疊前韻作

八會窮源開舍衛三明極地演迦陵雖云蕪郡城北郭  
已似四禪天上層馬到門前知路熟鳥來簷下聽經能  
昔題著處逢迎是不異今朝慙賞憑

駐蹕天寧寺行宮疊舊作韻

曲徑相通向右邊了知行館最清便  
綉旌又駐仲春月香牋何殊壬午年  
嘉蔭仍看喬栢峙幽芳已有早梅妍  
大觀堂裏披書坐無逸當前意悚然

九峯園小憩

觀民緩轡度蕪城宿識城南別墅清  
縱目軒窓饒野趣

遣懷梅柳入詩情評奇都入襄陽拜

園有九奇石因以得名非山峯也

舉數去聲還符洛社英小憩旋教進煙舫  
平山翠色早相

迎

蓮性寺

一瓣一不

虞韻

皆具性萬不萬瓣性皆空  
裴嚴塔院有如

是無盡光明碧水中

功德林

竺宇平山左厥名功德林  
石磴雖不高亦足具四臨  
右俯適來川絲管猶繅音  
左挹麥塍綠實覺娛吾心  
視聽胥且置一思功德義  
辟如忠心者勿問乎惠意  
佛無物

不度度亦不居惠是則功與德二字將何寄微覺調御  
笑語言實兒戲

題平山堂

鬱律山堂倚碧嶺建時猶自紀廬陵羶鄉佳勝七百載  
嘯咏風流四五朋必有真能被民澤不然何以至今稱  
重來拱讀

奎章煥旌泚原從漢詔徵

大觀堂疊舊作韻

南巡重莅止寧為恣娛觀展也必由義樂兮敢涉盤何  
來此有覺恧若未遑安益勵甄心戒深防適已歡餘閒  
聊可棄精蘊亦因殫在上思義象夔夔祇見難

賜湖廣總督吳達善

甘陝贊軍餉滇黔建祭牙兩湖俾治劇萬姓庶蒙嘉公

不和斯鮮

俗有湖北督撫常不和之諺或惑於形家之說以為地勢使然此謬論也蓋公豈有不和

者明期照莫差官方誠闡茸

湖北吏治自愛必達周琬以來因循欺蔽較各省為

劣茲命督撫諸臣力挽頽風

可弗意為加

降旨免江南熟田未完欠項並將江蘇經過州縣  
均免十分之五詩以誌事

啓鑾前免百卅萬實指災田所欠尾入疆詢知江北多  
江南纔三萬而已是則江北被恩重江南無災恩薄矣  
因問熟田或有逋亦不過四萬斯止概與蠲之仍覺輕  
十分免五惠同視宣尼曾云不繼富蓋於他人非赤子  
藏富閭閻信益佳詎曰驩虞博民喜

遊倚虹園

情知名墅郡城西遂艤蘭舟步薜隄花木正佳二月景  
人家疑近武陵溪笙歌隔水翻嫌鬧池館藏筠致可題  
片刻徘徊還進舫蜀岡秀色重去聲相傒

淨香園

雨過淨猗竹夏前香想蓮不期教步緩率得以神傳几  
潔待題研窓含活畫船吹笙橋那畔可入牧之篇

趣園即景

多有名園綠水濱清游不事羽林紛何曾日涉原成趣

恰值雲開亦覺欣得句便前無繫戀遇花且止足芳芬  
問予喜處誠奚託宜雨宜暘利種耘

水竹居

柳隄繫桂艘散步俗塵降水色清依榻竹聲涼入窓幽  
偏誠擅獨攬結喜無雙憑底靜諸慮試聽石壁淙

是處  
本名

石壁流淙為平  
山四十景之一

題天池

在功德  
林中

林中功德池迴自半天披淥水入澄照青山猶古姿魚



衝漪上下花弄影歲華一派曾溪味尋源識者誰

題小香雪居

竹裏尋幽迳梅間卜野居畫樓真覺遜茆屋偶相於比  
雪雪昌若曰香香澹如浣花杜甫宅間說此同諸

再遊平山堂即景禱詠八首

曉煙欲泮猶未泮山色如遙却不遙一路名園都可憩  
木蘭先泊倚虹橋

纜牽春水拍舟輕戟戟新蒲刺水生夾岸樓臺不知幾

上聲  
飄飄都在鏡中呈

澹蕩輕風靜碧淪  
隄籠絲柳拂船脣  
沿隄縱騎非嚴蹕  
為挈銀牌賜老人

春光滿眼已撩人  
梅白柎紅倚翠筠  
屈指長橋過廿四  
風流誰是紕微倫

有時屨步有時舟  
幾暇聊成爛漫遊  
饒舌咄哉此言失  
得閒吾豈樂天流

傍午徂雲忽放晴  
平山濯翠益分明  
吾寧徒為

去聲  
遊山

計計到田功實暢情

綠竹叅天一迳細白梅似海萬株多援毫題曰小香雪

大者決旬較若何

屈指十朝  
當至鄧尉

梅隴西鄰即蜀岡春風依舊坐山堂適來絲管真嫌聒  
怡喜松風一掃涼

塔灣行宮四依

皇祖詩韻

乘氣寧關玩物華壽民本計厯禾麻庶繁郡過蕪城市

瀟灑軒依鹿苑家金柳已搖高下縷玉梅都放淨娟花  
天章賡和知

垂訓蒙業承平意敢奢

微雪

二月十九日

夜雨晨陰午後涼凝成雪片灑飄揚旋看落地融為水  
穠事花期兩不妨

長空細糝縵徘徊六出花非費剪裁滕六應知別有意  
欲因親切較江梅

塔灣行宮三依

皇祖示江南吏韻

載諸大小吏為政有常經恕不妨蒲示節當如竹亭莫  
忘惻憐念恒切怨咨形豈必催科巧逋徵早已停

過瓜洲鎮

江裏洲傳瓜字曾廣陵潮昔有明徵

蔡寬夫詩話潤州大江本與揚子橋

對岸瓜洲乃江中一洲耳李紳詩揚州郭裏見潮生自瓜洲以開為限潮遂不至揚州夫唐時揚州尚見潮何況於漢著述家遷就枚乘賦語俱以曲江觀潮為是杭非揚且謂廣陵舊治甚大錢塘當在所轄之內此與刻

舟膠柱之見何異既為開元以後襟喉要乾道之間城  
之辨復注大意於此

堡興占地其來亦已久讓川雖安卒何能去年異漲坍  
沙磧幸保安然惕倍增

渡江至金山駐蹕作

南巡又奉

大安舟今日金山此重去聲遊昨尚風狂今乍息每逢浪

靜信何脩

親歡誠益愜深願

祖德思惟勗遠猷浮玉底為新景會真山對映玉微留

昨夜微雪真山一帶晚猶未融積素更為江天初觀

金山寺再依

皇祖詩韻

忽聞江上按雲和仰首方知天籟多我切聰聽在

軒碣三年睫眼訝無何

金山三疊舊作韻

萬頃銀濤百丈青文章大塊善形形誠知

天地此鍾秀敢曰山川特效靈滿月面重瞻相好如冰  
壺裏悟流停妙高臺上遊遙目興寄鳶魚徹洞冥

近涯南北春盈地遠派東西水接天想像繩床參印老

補藏玉帶證坡仙

寺有坡翁玉帶久缺數版壬午臨幸為補足之曾有詩

拱瞻

義碣欽

前烈欣奉

任興悅

大年到虔花宮虔祝



敬誠同蒼赤一心連

觀濤樓歌

傍晚大江畧作風逆風者勞順風逸不如山頂坐層樓  
勞逸齊觀泯得失變然悔此非我談談合漆園寥天一  
一物逸我為心愜一物勞我為心疾疾心愜心紛乎中  
辭之斯各安猶吉夫然那免鬢星星擬藉觀濤滌塵沕

遊金山寺四疊蘇軾韻

大江入中國十分到此三分已近海河常有患江無患

偶然亦復有患在去歲荆楚肆難陀尾打浪冠須彌波  
文泉監利被災重賑恤寧靳費帑多瓜洲城下走舟楫  
坍沙日甚於一日茭捷保護那可施南望心憂為黔赤  
上年六月湖廣總督李侍堯等奏楚省積雨江漲上游  
文泉監利迤及黃梅廣濟被災數邑疊行降旨賑恤旋  
經高晉奏江省瓜洲江水長發丈餘迴瀾壩  
岸坍嚙至七月汛平加甃碎石江塘復完 漲退城安

定駭魄民色如前澤而黑輕艫重翦江波明為思昨夏  
猶餘驚我有恒心民盡識屢巡豈緣攬景物韶春復駐  
氏父山強和蘇韻不避頑獨愧詒言未已可知既水

弗洗水

再題蘇軾玉帶

玉鞶猶是子瞻遺當日禪機竟若為山色江聲今妙偈  
外州內翰昔威儀本無此任僧伽敎非有餘殊人士垂  
欲問曾圍肚皮者經多少不合時宜

未藏用  
子瞻語

題金廷標留帶圖

東坡玉帶既貯之以檀匣復為錦囊什器用示珍  
重白綾裏命金廷標為圖因成是作題之

愛帶都緣為愛人言之不足命傳神恍如坡印視予笑  
笑是居然未離去聲塵

題李因墨卉

四季芳華筆底收那經意想足風流求諸藝譜還艱得

應是汴人尹白儔

見蘇東坡  
墨花詩

自金山放舟至焦山四疊蘇軾韻

兩岸東江深眈眈瓜步在  
北京口南天塹形勢攬已熟  
奚啻曰再與曰三金山放舟  
纔片刻迴視銀海擎黛嶺

山包屋處欠一到隱憲或致焦先慙順流鼓枻意甚快  
風浪奚礙心澄潭故知羅巘草木茂枝姿葉態迎春酣  
乃復寺旁構行館成事不說何勞談

已見壬午  
疊韻詩

小憩弗

宿發青雀調御月面空花龕熾然今昔非今昔中邊食  
蜜皆甜甜獨是結習寄吟詠屢賡蘇韻寧辭貧八州牧

同五斗祿

見蘇詩

一長老商七不堪呼之欲出難想像但

聞其聲留谷菴

亦用  
蘇語

清寄堂

別館精藍側迳幽花木芬棲遲雖覺適供奉畧嫌勤古  
柏虬蟠影高峯螺皺紋偶然寄清興流水與行雲

竹樓

竹裏書樓架竹為拂筵還入夏風枝恐人強與分賓主  
故藉泠然一掃之

海門菴

倚壁為菴對海門絕無塵處閱高奔山僧不用蓮花漏  
自有潮頭報曉昏

遊焦山作歌再疊舊作韻

焦山侵尋亦有屋難傲金山獨在腹土為母子木弟兄  
世人慣作響應聲太古以來大江水豈知較此與量彼  
三詔先生如可起首肯吾言歎止止水流地而雲行空  
誰論有是有非是維舟登岸又斯辰如來默坐何脩勤  
無色聲香味觸法施檀禮足徒紛紜風旛不動自標倡  
龍象變見皆成文吾方興屬層峯雲下暎江色青氤氲  
今新昔故泯芥蕙南疆北界誰區分東瞻海門誅蕩蕩

百川虛受胥平吞蓬萊方丈竟何處祇餘潮聲朝暮聞

甘露寺用張祜韻

心淨泯羣象目空無點埃三乘於以閱四度底論來江  
色翻禪壁山光落講臺衛公固扁鐫舍利也還開

箕山

一水平分揚與吳西津渡口峙峯孤中宵畫榮周郎定

萬舳樓船曹氏無綠拂春風猶澤赫

地理志山多澤赫故名又以周瑜榮

曹操於此  
因名箕山

白揺秋月自洲蒲江流漱石為澎湃尚似當



年恨霸圖

遠帆樓即景四首

清晨進舫攬焦山  
甘露紆臨卓午還  
東望青螺湧玉海  
畫如我適在其間

來往帆資一面風  
舟師破浪實稱工  
忽思駿馬馳山阪  
控縱隨人此或同

舉目雲行與水流  
廓然俯仰契神投  
大江東去千秋調

多把黃州誤潤州

寺僻勒明季夏言等大江東去  
詞蓋皆數典東坡黃州之作

重閣名同太液池

瓊華島北閣臨液池亦名遠帆

織梭帆影鏡中披

看浮玉原瓊島外苑何須異視之

登金山塔頂三疊舊韻

塔頂應須更有尖碧空在上獨稀兼看茲卓爾禪明示  
到此誰能意不恬風物江山原弗異詩篇今昔且由添  
了知未似東坡句却喜依他韻屢拈

題鏡治齋

浮玉大江裏行齋浮玉中

堯勲遵露冕禹德慙

去聲

卑宮不到塵埃處真教機象融

省方闕治化淵鏡意何窮

張宏梅鴈春遊圖

藉草為茵湖石側嫩晴恰喜散吳雲同人小酌梅花下  
點筆應知句亦芬

金山妙高臺和蘇軾韻

先我問誰登眉山玉局子仕朝七品官辭家六千里屈  
信往來間蓋同遊戲耳忽愛浮玉峯嵬羅江中起義取

華嚴經名此臺如砥比丘擬德雲談禪對裴几了了契  
心神朗朗出口齒斯誠迴出塵那更申盟水獨步妙高  
間是是非非是效之者計愚似之者法死

趙文倣花石寫生

蝴蝶花

翩翩通體冶而輕露下風前最有情不藉滕王大小眼  
三生石畔認前生

河南巡撫阿思哈奏報得雨

恒塵中州冬雪少欣聞春雨普霑濡

豫省冬雪畧少正  
盼春膏頃據阿思

哈奏報二月初四五六及十四五六等日各屬得雨三寸至六寸不等通省並得霑足二麥可卜豐收深為欣慰更思迤北京畿地此澤還當被也無

榮馬過鎮江府

揚子橫江片刻過毘陵榮騎度逶迤民情較昔尤相熟馬足趨隨那厭多城有絃歌興禮讓戶無滋擾自熙和黃童白叟誠繇庶為去聲計資生應若何

京峴山

京峴春潮輕送舟鑿渠率笑祖龍謀南來北往原資利

君子惡因居下流

登城霞閣再疊舊作韻二首

運路襟煙郭橫樓帶水衢助休度已義洒掃塵人劬登  
攬寧無興安懷要有圖會歸惟壯極禮樂盛東吳方抱  
一心欲那矜萬口呼殷殷祝綏屢庶得四民蘇

詎可揚帆過登臨俯市衢四廵非一歲三義時千劬西  
蜀成偏業南陽贊遠圖深謀艱伐魏遺恨未吞吳紙幣  
今仍走樓桑昔罷呼城霞揭妙理勁筆備顏蘇

過艤舟亭不泊

南邦風雨是其常涼迫詢無害麥秧

過日風雨作涼夜凝微雪恐傷麥苗

問地方吏稱無害也

避寧漫嫌孤勝境迴舟再艤又何妨

石尤風送雨絲濛駐處猶遲十里通玉局艤舟予進舫  
景情雖異地原同

淺水寧闌荅菴主利風更異趁將軍畫亭舍是非無謂  
早到圖休扈蹕羣

寸麥尺水

寸麥尺水猶無妨尺麥寸水亦致殃不是南來諮檣務  
似茲委曲那能詳

沈德潛錢陳羣來接因成是什仍各書一通賜之  
二仙仍此候河濱三載相睽意更親郭泰李膺一煙舫  
二人同舟而來沈期錢起兩詩人飄然白髮都還健瞭爾青瞳  
自有神筆力年華雖共老載賡知復倍清新

題王穀祥梅竹瓦雀

梅竹嘉賓集飛棲態各超喜緣蓄啄粟怒或目如椒花



下依香住竿間弄影飄處堂還免誚樂意託清寥

泛舟遊惠山即景禱詠

川路遙看

平聲

見惠山輕雲淡日蔚孱顏遙飛吟興於何

是祇在泉流峯峙間

煙溪暫泊換輕舟兩岸麥苗綠似油致我欣然誠在此

寧徒留意為

去聲

清遊

寄暢園中小憩遲茶紅梅白鬢春姿林泉別我三年矣

似曰無他祇待詩

精藍西轉有禪菴啜茗聽松

即菴名設竹鑑每至必試茗

此最堪疊

韻寧辭綺語過前三三復後三三

### 寄暢園三疊舊韻

流引惠泉水一灣石橋過處敞軒間樹遮洞以千年計

瀑出峽分數道潺趣為

去聲

永哉暢非俗樂惟仁者寄於

山養疴旋里人何在撫境愀然是此間

園為秦氏別業去秋尚書秦蕙

田以病請假南還尋即在途不起田邈地是人非為增感者久之

### 仇英松陰觀瀑圖

擁膝松陰設簾佳獨憐飛瀑澹人懷錫山秀色依然好

那覓當年十笏齋

見圖中  
自識語

惠山寺再疊舊作韻

春氣濛濛潤岫螺花宮兼有古松羅青衣童子誰曾見  
白足僧人此處多畫卷重教神晤會竹鑪一為去聲手摩  
娑底須今昔頻量檢七識田中幻末那

聽松菴竹鑪烹茶戲成

初來猶憶翰臣偕

辛未南廵初至聽松菴訪竹  
鑪舊蹟曾命汪由敦扈遊

火候曾

傳文武皆習熟中涓經手慣可憐竹鼎也聽平聲差

圓池

圓池方之上堪與含至理得氣擅清輕應較下為美

方池

方自圓流出非遙品乃低雖然甘不逮猶自勝梁溪

汲惠泉烹竹鑪歌三疊舊作韻

一韻屢疊有前聞其中亦頗伯仲分試問誰應稱巨擘

要數

上聲

玉局迴出羣聚星孤山特傑作手把造化超凡

塵往來無錫此必至

見東坡詩序中

何缺押險長篇文遊山望

湖纔數首字字妥帖餘清芬我來四度歌四度弗自竿

量翻案陳漪瀾堂中小團月

藥括蘇詩意

恍如髯老來相敦

茂編古鼎依舊在拾松枝豈煩樵薪至期自熟寧用亟

中涓伺候忙已紛乃悟高閒非我事山僧後言那免云

忽忽一啜命返轡回顧曰此偷閒權叶夾岸蒼赤數無

萬各各都塵予心存安得人足家遍給風俗還古禮樂

新名山得讓閭黎占法寶何礙招提珍法寶何礙招提

珍千秋聊付好事人

暗竇

天一孕靈根是謂孚盈缶可以驗化機率自無生有

明亭

石亭纔四柱臺榭圍周遭樸野固非匹閱時此或牢

聽松菴竹鑪煎茶三疊舊韻

若為石洞若為泉早已知津豈待煎靜對山川原自古  
何披圖畫乃稱前無逾一晌煙雲過那得恒斯風月眠

禪德忽然來跏跏訊是云提半抑提全

設設松濤活活泉笑予多事殘鑪煎半升鐺內都包盡

四箇匣中莫並前

寺僧弄藏四匣皆明人詩畫其第四失去圖曾命張宗蒼補為之已見舊

作中茶把僧叅還當偈煙憐鶴避不成眠可教緩棹言歸  
矣今度賡吟興又全

倪瓚林亭遠岫

吳地吳人畫煙雲互渺茫排空疑送雨訝在錫山傍

題張宗蒼補惠泉圖三疊舊韻

依舊淙淙山下泉諸餘都置展圖先誰知補者宜居後

忽訝觀斯乃緬前真是要惟以韻勝

昔與宗蒼論畫法每稱當以氣韻為

要由來不可著言詮謾訾屢舉蘇髯體此日拈吟屬偶  
然

自惠山跋馬過無錫縣城登輕舟至水營即景禱

詠

錫山雲氣自南濃促返恐防春雨逢跋馬煙塍不三里  
棼絲已是灑雩零



黔黎趨擁喜逾常所惜無端躡麥秧

萬民趨隨夾道竟有踐踏麥苗不顧

者

雨笠煙蓑都不藉忍教呵禁警龍驤


寧民自視廟堂謨豈繫尋常錫有無比戶安和心實慰  
頌言那在謝蠲租

城南盪漿下川郵煙意溟濛勢乍稠前指水營猶十里  
倩誰風雨畫歸舟

題趙孟堅白描水仙

影愛波中照態惟月下娟陳思成賦後祇合以圖傳

龍女獻珠時羣姝左右隨  
色香皈至淨都受兩毘尼



御製詩三集卷四十六

欽定四庫全書

集部  
御製詩三集卷四十八

詳校官侍郎臣謝墉

助教臣常循覆勘

總校官原任中允臣王燕緒

校對官學正臣卜維吉

謄錄監生臣許蔭培

欽定四庫全書

御製詩三集卷四十七

古今體一百一十三首

乙酉五

駐蹕蘇州再疊舊韻

試言底事重時巡必在恩敷率土濱到處繼繩仰

聖祖行春追賞奉

慈親迎鑒不較晴還雨

是日值雨萬姓雨中迎鑒歡呼夾道不避淋漓益為嘉憐

不賚老那分富與貧信是民情大可見由來十室有

忠淳

賜沈德潛

吳中今古老人科比似徵明定若何書畫雖輸詩勝彼  
功名已過壽如他遊山有興仍清健處世無爭祇善和

明說九旬有三歲那更年格尚嫌多

德潛老而始遇通仕籍時未以真年

告故吏部履歷今當為八十九歲然德潛實康熙癸丑生今應九十三此政東南士林宿望亦國家祥瑞何必更以老為嫌故未句調之

偶作設色梅花並題是句

元章渲染態嫌艷无咎勾圈格畧孤斟酌濃纖聊寄興  
不知神韻得傳無

凝懷堂再疊舊作韻

行令駐葩瑤承

歡奉

鞠衣永同天下

養時勅化工機供帳毋求備情田曲體微

璿題叅妙義恒護慶雲輝

楊維禎鐵笛圖

獨橫鐵笛太湖中，吹裂凌波蘆荻風。崖上拱聽定誰是，

依稀緱氏子長弓。

見楊維禎  
冶師行序

于闐採玉

于闐採玉春復秋，用供正賦輸皇州。奚待卞和識琳球，

郵致正值金閭遊。專諸巷中多妙手，

王工多出蘇城專諸巷

琢磨

無事太璞剖。

卞和則足以玉在璞中人不知也。然今之貢玉皆撈之河中，並無剖璞之事。古之玉

亦今之玉耳，則記載之失信率可知矣。

古來記載真偽半愛者，欲其生惡。



者欲其死如是雌黃唇吻紛無算

夕

依然凝懷堂凝懷詎耽靜兩字緬

前猷一心惕深省有為民莫求無欲已私屏入夕春雲  
輕踈星三五影遂與放晴佳露立不覺冷

遊獅子林即景禱詠

城中佳處是獅林細雨輕風此首尋豈不居然坊市裏  
致生邈爾濮濠心

真樹蓋將千歲計假山曾不倍尋高雲林大隱留芳躅  
誰復輕言作者勞

畫譜從來倪與黃楚弓楚得定何妨

倪瓚獅林今歸黃氏故戲及之

庭

前一片澄明水曾照伊人此沐芳

獅子林疊舊作韻

每閱倪圖輒悅目重來圖裏更怡心曰溪曰壑皆臻趣  
若徑若庭宛識尋足貌伊人惟怪石藉知古意是喬林  
何堪摹卷當前展

壬午南巡曾手摹倪元鎮獅子林圖命弄藏林園今復携倪卷來遊相形

之下殊覺效顰不當因  
並書於倪卷及摹圖中  
笑似雷門布鼓音

遊席邱即景襟詠

馬嘶小步出金閭  
細雨輕風正不妨  
為愛觀民慢鞭策  
須臾亦復到山塘

河裏龍舟畫鼓鳴  
布商藉以獻其誠  
欲思返樸申嚴禁  
矯枉兼虞拂物情

為門為徑我曾知  
若石若泉彼益奇  
開著雲窓聊俯暢  
四郊煙景總宜詩

席邱雲巖寺

雲巖真是德山雲古樹時花總淨芬求跡無珍誠畫帟  
點頭有石似疑麋竹聲繞砌通其響麥色盈窓致我欣  
那是司徒志遠處

志在遠遊王  
珣伯遠帖語

千秋佳話付云云

靜觀齋疊舊作韻

靜觀猶是

當年額巖壑何曾占迴深却為不交絲竹耳堪知

宏蘊地天心

含暉山館

春山多淑氣巖館值來遊  
瓶吐蘭心馥簷開柳眼柔  
王祠緬曠達謝句詠風流  
信美非吾事吾惟民隱求

席邱寺四疊蘇軾韻

異哉金寶氣何以化岡嶺  
千秋鎮姑蘇改邑不改井  
溪田帶秀舊閭里映清耿  
春氣入山塘已聞叫蛙黽  
奇傳劍三千誰見飛出礦  
平石坐千人既博勢亦猛  
生公緬講堂妙理元言騁  
葛賢有遺墓奮義志悲哽  
閱古過雲

煙不異一瞬頃調御跌花宮其心死灰冷我亦合忘懷  
言詩興猶永四疊玉局韻聊以荅風景聞有陽冰書蒼  
苔漉石影後視今由昔莫更鐫崖請

聞京師得雨

二月十六日

行春畧覺雨嫌過却憶京畿澤若何郵置欣聞霑二寸  
遙遙額慶利農多

賜江蘇學政李因培再疊舊作韻

三年滿浙政兩任返吳邦惟是簡英達將資化駁庵要

存心一敬莫誦手無雙為問羅賢網可曾獲二龐

出閭門遊支硎寒山諸勝即事雜詠

連日輕陰曉欲晴緩驅珠勒出蘇城支公趙氏胥高蹈  
胡獨今朝太有情

閭門一帶接楓橋撲地閭閻十里遙富矣教之教豈易  
因情善導戒名邀

比櫛高樓出巷衢西郊野景信清殊綠芄麥隴一千頃  
無定煙光灑露珠

慶橋那畔水村連綠竹紅梅總淨娟自是三春真景物

那須先節划龍船

布商有呈龍船之戲者亦無暇觀也

鳴鞭迤邐到支硎硎上流泉此重去聲聽為問當年許元

度無遷停處孰遷停

亭子剛過放鶴邊寒山別墅到依然流陰稔冉三年矣  
話別泠泠是石泉

遊支硎山疊舊作韻

依舊青山與白泉重來過眼又三年  
黷硎那是庖丁及



招鶴仍叅高士禪舞為去聲鼓琴同木石甜如食蜜徹中  
邊設云佛法全拈出遠矣失之大不然

### 支公菴

支遁何曾遁  
劖菴尚有菴迹同羅什北心是慧能南馬  
跋仍山迳鶴歸帶曉嵐不殊覲面者松月映虛龕

### 沈周支劖遇友圖即用其韻

艤舟應在慶橋邊

橋在蘇城西為  
往支劖正路

戴笠飄飄致欲仙

藥拈

沈詩  
中意

畫卷若為

平聲

今日設詩詞知向那峯鐫不羈遊興

足雙屐有契崇情手一編我豈似他閒逸者觀民惟覺  
意中懸

寒山別墅

支硎一嶺過咫尺到寒山坐弄流泉潔行尋曲棧開心

因新霽喜幾趁片時閒大吏稱馳驛

遊覽所至畧觀大意即行尹繼善比

之馳驛看山然過而不留片時閒適足矣謂之馳驛固當

俞哉為破顏

去聲

綠雲樓即目

便門進即綠雲樓

過支硎小嶺即寒山別墅園牆向由園門入尚紆里許壬午遊憩命從園

牆開一門進門不數武  
即綠雲樓益覺近便

拾級閒登樓上頭蔚翠麥田真

罨畫適來原在畫中遊

飛魚峽再疊舊作韻

石峽龍門似常看魚闖然息原入潭水飛即上雲天或  
羨知名士抑希登籍仙留題意何屬欲問隱居賢

馳煙驛戲題

高人伏處

上聲

必柴荆那識金根與翠旌萬姓馳煙緣驛

路似為

平聲

斯日設斯名

對瀑再疊前韻

飛瀑恒面壁不言真得髓綺言邇覺多合以擬擬洗

題澄懷堂

借問澄懷處寒泉泉石間落來心與洗淳際俗全刪竹  
夏琅玕韻峯開翡翠顏最宜棄閒地摘句卒無閒

清暉樓

書樓宛在水中央簷際波翻漱灩光自是清暉供

去聲

山

水成詩誰似謝家郎

寒山千尺雪三疊舊作韻

知者樂水仁樂山合妙撰斯惟石泉宦光若可起而問  
應以是語為探源拘墟彼此執名象乃舍實道循虛詮  
澄懷之堂暫憩息

在寒山別墅中

餘興幽徑仍攀緣曲欄扶者

宛熟路澄潭注處成深淵醞流雖無三千尺同一雪色  
鋪岡巒坐令亭臺疑瑤圃平看花木栽銀田香聞薊濛  
不辨色訝至光福望海然聽雪有閣可虛擲便當摘句  
於其間

聽雪閣三疊舊作韻

滴水傾於海濕性直到底此雪千古恒其理如是耳溪  
閣尚未登早識箇間美既至坐而聽信足稱觀止弗忘  
者先憂暫憑者後喜捩捩皚皚中何今復何始邂逅託  
有因寤寐良無已

遊法螺寺

千尺雪上心已洗法螺寺中隨法喜肩輿旋轉入菁蔥  
萬里之間論尺咫我聞吹螺演三乘又云佛頂螺髻青

色覓聲求盡邪道如見如來能不能

四依

皇祖華山詩韻二首

法螺西跋馬雲表竺龕深有進亦云到無營孰與侵  
昔題猶舞鳳春景入言禽別室青山對憑軒一暢襟  
舜歌賡四度彈拍歲年深是日盤雲迓春風謾籟侵苔  
蒼鉞峙柏泉響答鳴禽峯頂孤亭在曾子豁遠襟

靈巖寺西入石路用唐劉長卿韻

乍晴芳襲蕙過雨綠濃苔渾似昨朝去又成今度回借  
他劉氏韻長卿此詩蓋詠方山靈巖非此地也識我梵宮來但取名同處  
那分境異開路盤亦西入塔迴向雲栽上有吳王井甘  
宜試茗杯

駐蹕靈巖三疊舊作韻

三載流陰瞬息中靈巖重禮梵王宮高標穹塔依空住  
右轉行廬有逕通虛室還生今日白春花又吐昔年紅  
憑欄寂喜晴明望綠蔚平疇吳苑東



臨湖榭

峯巔虛榭臨太湖太湖萬頃胸中俱東洞庭山正當檻  
青螺一點鏡面扶廓然上下共澄澈遊與造物為清娛  
吳顛越躡實蟻闕水天千古寧差殊少伯扁舟都藉藉  
彼何人哉名利徒

靈巖夕景

久坐臨湖榭空明愛湖景不覺暮色蒼失却洞庭影張  
燈歸寢閣萬籟於焉靜已自雲霞表况近招提境神心

自致謚塵俗何期屏相值乃偶然意足千秋永

靈巖禱詠四疊沈德潛韻

館娃宮

四計惑吳心羅縠教歌舞容步於何習或曰城名土蠡  
獻子胥諫弗聽其言杜伊人詠館娃戒之在鑒古

琴臺

七絃實古器斯臺未怡然抑於闔閭代抑在夫差年世  
遷猶月白人去餘泉湲但供幽客至曲肱時枕眠

響屨廊

長廊今弗見但餘山洞敞索然怒公孫何能為聲響殺  
諫國必亡館娃久榛莽奚稱踏步人足底佳音往

涵空閣

石鼓天平南嶠堞聳碧空一目可千里具區波瀾風有  
名無其閣望若雲中龍豈必拘墟求縱觀憑離宮

吳王井

日東而月西一例噴峯頂不見古人汲猶照今人影詩

雅詠鉅易象示縞綆却憶歸愚翁當年此汲井

研池

研池涌研山一泓清波冷得名蓋因境明如銅鏡青詎  
緣習揮毫筆陣辨直橫其下應何有波伏龍不驚

采香逕

子友為諷諫挾彈履濡露笑愚而不聽先入言有素徒  
傳香逕名春風翻錦霧狸卑終見放三津歸日暮

翫花池

德潛老始達大耋歸棲谷方其未出時此振衣濯足凭  
池匪翫花為愛澄波淥八章四疊賡藉擬蘭湯浴

穹窿山上真觀

嶽嶽高居祀

上真抒誠叩必以躬親太湖萬頃在襟袖穹窿億丈凌  
星辰不問長生崇羽士所希大有綏農民片刻成吟策  
返轡鄧尉香雪猶西鄰

寄題拈花寺

上真小憩跋驄心識招提得面違寄語山僧應正悟  
莫隨迦葉笑顏微

鄧尉村

鄧尉村前萬樹梅半猶含朶半媽開問他底事不全放  
應為今期待我來

崑軸前旬已見梅心憐鄧尉背人開誰知玉馬尋山處  
尚有香風撲面來

鄧尉山恭詠

皇祖松風水月額再疊舊作韻

迳入海為雪寺投寮是松蘇臺巡蹕四鄧尉仰

題重心各水如淡影當春互濃於斯名獨讓曾不介乎  
曾

右松

既具蓊濛氣何妨淡蕩風擘帷蕾是綠舒或辨逢紅山  
谷雪猶滿僧房春正融一聲清磬度雅思眄崔峒

右風

託根既於岡寫影那辭水態是弄珠人品乃濯纓子逸  
格在橫斜幽香徹表裏把擬問山僧可似曹溪旨

右水

浮動黃昏間不宿知宜月散采方森沉流香益飛越娟  
娟覩神姿青青定仙骨漱潤懷清芬賡吟無厭歇

右月

鄧尉香雪海歌三疊舊作韻

吾家山信誰家吾輿圖府志難考初安名立字各阿好



咄哉史氏多傳誣姑胥省方已三度春風又拂鑿旂舒  
尋山問水乃餘事觀民設教有正模雖然詎可負清暇  
鄧尉一帶旄騎紆訂訛甄異弗重藉昔詩屢具茲遵途  
化人寺亦仍小憩至理村旋去聲發前趨不舟而泛香雪  
海較之牙檣樂有餘其色真色目止觀去聲其香真香鼻  
靜娛似置膝六於太湖配藜旁魄無同殊筆規墨寫勢  
欲輸蘭薰檀蕪庸更需清淺水復黃昏月於何浮動致  
影踈那更遠憶大庾大了知近勝孤山孤前三後三舊

光福千秋萬歲薌句吳千秋萬歲薌句吳笑我疊韻無已夫

雨中遊上方山

楞伽登絕頂

府志楞伽山一名上方山

塔影近纔迎樹木紛垂露煙

雲坐入楹須臾陰翳歛震澤下方明變幻胥真諦如觀

乾闥城

石湖八絕句和王寵題周臣畫筆頭韻

吳中山水致人憐  
寂寞愛石湖  
茶磨前萬頃煙波連  
震澤

一隄花柳繪春天

叅政當年經濟流虛名肯與世沉浮立朝事業誠無忝  
寓意聊斯託狎鷗

風靜春湖玉鏡開北鄰入影是郊臺孤卑雉傲偏誇勢  
欲使東流直倒迴

亭子湖心昔日成周遭漪影漾檐輕三經攬景弗一到  
弗到中饒不盡情

湖心亭非石湖舊蹟蓋丁丑南巡時  
大吏以備臨眺者然三度石湖曾未

一到其地也

何必牙檣牽錦絲輕舟蕩槳可前移一鳩叫為頻呼婦  
雙燕飛還欲乳兒

石湖詎較太湖強

海潮卷後倚巖石泉匯而為池實半畝餘因鐫壁題之曰石湖湖上

花龕若鳳翔設使山僧斯面壁當前法乳是津梁

一帶春山問景歸

是日自靈巖取道上方山石湖一帶策馬歸蘇城

春雲時作

雨絲飛亂煙忽向峯頭斂迴望靈巖濯翠微

不少丹青鳥與花揀金驀遇此披沙東郊煙景雅宜句

一例東京說夢華

詣

文廟行禮

雨中歸茂苑

聖廟郡城隅

城西南隅  
文廟在

崇像應虔叩

太學神主甚合古禮  
崇像設然有其舉之亦莫可廢也  
闕里及此乃

入門

惟敬趨春堂  
煙織幕古樹  
露垂珠信曰  
有化然而無  
有乎

戲題滄浪亭

假山真水傍城闌  
結構誠云清絕塵  
一帶隔溪列公廨  
不知誰是濯纓人

過紫陽書院

書院泮宮後菁莪藉地靈  
學優乃從政身致在明經  
羣秀其無忝老人尚有星

沈德潛長書院是日領多士跪接

明知艱步履

卧理足儀型

望晴

兩日剛快霽一夜復密雨  
江國雖其常過甚亦致苦  
詢

稱弗礙麥恐出慰我語溝渠縱洩水根黃一二覩此豈  
非傷潦即晴庶救補到處均赤子為之厘相輔

杏

梅後賴有此桃前非僭他漫從香處較可許色無過南  
國春偏早佳人酒半酡膽餅幾枝足詎在董林多

題鏤玉松鶴屏

植中松樹禽中鶴都是棱棱似玉流頗有玉

許救切見  
正韻工玉

者人能執藝言斯庶不枉雕鏤

蘇州啓蹕作

霽景麗天杠水程發畫艘清晨別茂苑已刻過吳江

縣名

迎送民情篤郊圻春色攸明將入浙境時邁亦予邦

舟行襍興

大船張帆如箭急小船爬沙苦弗及以篙鉤挽大船尾  
攜小船行巧注挹大船人怨遲已行小船人樂省力勑  
中才者不中才養故人樂有賢父兄一射生挈十鈍手  
國語舊有一善射生者十鈍手隨  
之之謠其辭正與中才之意同國有舊語亦知否



入浙江境

一川不異舟兩省，頓分郵風俗。漸因別桑麻，較更稠春晴。真是暢三載，忽如流祗覺。民情切惠鮮，可忘去聲謀。

遊煙雨樓即景禱詠四首

煙雨今朝煙雨無，眺吟暢好不模糊。菜花黃映麥苗綠，所喜猶然在此乎。

即景無過遣興題，過譽老筆注金鰐。

樓中錢陳羣書舊作並跋語張壁頗

覺過

樓前一對玉蘭樹，直與樓簷開並齊。

近涯野艇不譙訶  
漁樂憑看樂若何  
訝似天孫機杼張  
去聲錦端來往織仙梭

船泛春波天上坐  
樓稱煙雨霽中來  
韶光陶冶無先後  
庭際辛夷盆裏梅

題煙雨樓

岑堯無地起樓臺  
一棹宛從鏡裏來  
問孰宜煙更宜雨  
合稱惟柳復惟梅  
韶光艷裔為屏匝  
漪影空明映座開  
錢趙王孫詩與字  
樓中有錢陳羣書趙孟頫耕織圖詩屏却因吟翫久延

陪

遊煙雨樓與莊有恭聯句疊前韻作

御製

昔茲撫土臣今為隔省吏

前年調莊有恭撫蘇仍就近兼管海塘事務

仍

携因閱塘

叨陪逾及第

臣昔蒙再荷

特拔巍科已屬忝竊茲恩命得侍聯句尤為榮幸

嘉禾奉

清娛高樓挹佳致花繁雙樹玉

臣莊有恭

御製

香凝千頃芰名循慮煙雨

近頗望晴

實惠快晴霽何處不

籌農

所喜無棄地就瞻

禁譙訶蹴踏

勅趨避

萬姓歡迎環擁左右者或踐及菜麥每

上不令訶蹕其趨隨諭避之亦弗顧也

藹然衢謠盈

臣莊有恭

御製 俞若天籟吹頗嘉新政觀莫忘舊學肆行當侍左右

已授有恭刑部尚書協辦大學士仍令在內廷行走

頃爾豁障翳簿書幸寬程筆札願謹伺

撫時值風和

臣莊有恭

御製延遠勝山翠

嘉興境內無山憑眺益遠

一天景越朗四鄰望俱遂

澄波識魚樂

董其昌書魚樂國勒石樓前

厚澤欣衆暨滌湖正

迴櫂秀溪

橋名復

控轡

是日

十里老幼

上廻舟即遮道瞻仰

幾無隙地乘騎數

萬千氣象呈

臣莊

有恭

御製百二春光繼

時值閏二月

攬結敢恣興遊豫無非事明將

鹽官駐

總

厘海疊利北漲常安濶中開必表瑞

北岸漲沙益遠則中  
小疊故道自可

復開

聖仁感

天仁

臣莊有恭

御製予意視民意翹心緬四巡曉眼又三歲載康非玩物

懷哉惟展義

降旨免浙省所有積欠並經過地方正賦十分之

五詩以誌事

新正降恩諭江浙免積逋江省數實多

前降旨免江浙逋賦江南至一

百四十餘萬浙江止十三萬餘已不及十分之一且又報有續完則較江省更少

南北已大殊

因加惠江南

昨經臨江省詢知所免災緩積欠淮北獨多江以南纔三萬餘因將江蘇各屬熟田

未完欠項概行蠲免並免水陸所經州縣本年額賦十分之五浙省亦吾赤子懷保同殷且積欠又少用是并例不應蠲之未完銀穀悉予豁免除復將經過地方新賦蠲半以均惠澤 浙省可忘乎入疆

再咨詢逋祇江南如更有續完者急公益嘉予漕欠及

借項寬免例所無此豈非在民爰概與豁除其經過正賦十五蠲厥租休助庶以副歌頌寧所圖

賜閩浙總督蘇昌

楚粵曾宣績浙閩茲撫封外中久敬歷聲望益春容早是心如水應知壽比松自當隨蹕輦棄葉本從龍

賜浙江巡撫熊學鵬

西江儒素家兩浙撫安衙清慎勤無忝猷為守有嘉淳風原在樸佳景漫求加識我慇懃意由來在漲沙



自石門縣跋馬度城易輕舟至陳氏安瀾園即景  
禱詠

艤舟跋馬度由拳心喜觀民緩著鞭更有閱塘予正務  
遂循溪路易輕船

夾溪萬姓喜迎鑾桑柘盈郊入畫看廿四槩過風帆

去聲

駛片時新壩到長安

即壩名

壩隔高低換綵舟綵舟致重櫓聲柔仍圖迓利筦子馬  
蓄眼韶光面面酬

鹽官三載重經臨  
兩字安瀾實厓心  
駐輦春風棄清暇  
果然城市有山林

駐陳氏安瀾園疊舊作即事禱詠六首韻

如杭第一要籌莫  
海塘瀾水路便方

舸前巡抵杭城由陸路赴海寧閘

塘今年舟次石門即從別港水道前進先駐是園取便程急先務也

江城此稅鞍  
汐潮仍

似舊宵旰那能寬  
增我因心懼慙其載道歡

隅園城角邊新額  
與重懸意在安江海  
心非耽石泉喬柯  
皆入畫好鳥自調絃  
有暇詩言志雕蟲不尚妍

鹽官誰寢名陳氏世傳清詎以簪纓嚇惟敦孝友情春

朝尋勝重去

聲

聖藻賜褒明

原任大學士陳元龍請老時  
賜林泉耆碩額以寵其行今恭奉園樓正

皇考書

中  
來日尖山詣祈

庶盡我誠

書堂橋那畔熟路宛知尋既曲越延趣惟幽不礙深風  
翻花動影泉出峽留音古枯無榮謝森森青玉針

園以梅稱絕盤根數百年古風度迴別時世態都捐春

入香惟淨月來影亦娟閒吟將對寫消得意為延

溪泛櫓聲柔溪涯有竹修獺時看伏翼

是園水中有獺

魚並育

槎頭似此真佳處無過信宿留觀塘吾本意詎可恣遊

遊

謁

海神廟瞻禮疊舊作韻

庚辰之歲潮趨北柴石塘工重

去聲

事脩亟籲

施仁斯益切不更

平聲

為患仰

貽庥漲沙雖縱聞增渚汎水無過幸晏秋

廟貌欽崇緬

皇考中疊未復祇懷愁

賜浙江學政錢維城

化民惟在學取士要通經詎在工文采還當屏濫形須  
懸虛鑑朗莫負舊羶青扈蹕常賡韻何殊侍內廷

命添建海寧縣城石塘前坦水石詩以誌事

柴石兩塘工前巡大端定

前巡閱視海塘時有以老鹽  
店一帶柴塘恐難經久請易

柴為石者及親臨度試則塘內沙活不可下椿再移內  
數十丈雖工作可施勢必毀棄田廬未弭患而先殃民  
又豈保衛之道因決意脩築柴塘勅部議增薪  
值俾採購裕足並命添置坦水簍石捍護隄根茲來重

相視事無不用敬念茲古縣城萬民所託命城南即石

塘魚鱗固綿亘但潮今北趨已近塘根迎坦水縱兩層

潮來惟一賸設使久濫激塘根將致病去歲雖添建六

十丈而竟尚欠久安策俾增一律稱去歲撫臣請建坦水六十餘丈止就

險要而言於全塘形勢尚未籌及因命增建四百六十

餘丈並視二層舊坦之椿殘石缺者令補易繕完使護

塘根永

資鞏固

殺去勢護石工費帑吾寧聽何當復中疊額手

斯誠慶

賜浙江督撫及其屬吏食詩以言志

入疆雖曰慶土地豈其宜

嘗謂孟子此言或可行於其時實難行於千古然奪彼與

此即當時亦覺難行且若皆宜慶者將以何地與之

聊以肆筵惠酬斯執役疲所

嘉民弗課實慰我深思休養富而教勛哉賢有司

塘上三首

尖山將往閱潮淤塘上清晨蹠步輿一帶隄根皆嚙水

撫斯安得暫心紓

魚鱗誠賴此重隄隄裏人家屋脊齊土備却稱守重障  
土備塘海望所脩欲以為重關保障夫石塘外如果可  
為重障尚可令為之塘內且置人家於外豈有土更堅  
於石之理譬之防盜者舍牆  
門而扁屋扉甚無足取也 一行遙見柳煙低

竈戶資生釜海存刮沙煎滷事牢盆茅棚葦竈何妨覽  
欲悉吾民衣食源

登尖山觀海

宕堯淨土普門憑觀海因之棧道登愧我敢云希績底  
莫茲惟是賴仁能臺臨上下空無際舟織往來波不興



俯視塔山資射浪漫言沙漲有明徵

視塔山誌事疊舊作韻並示地方督撫及司事者

壬午視塘後沙漲伸如翼不久復致坍溜仍塘根逼自

茲月據報

壩基下有護根石簍前巡臨閱時沙漲掩簍痕四尺許因命標誌其處驗增漲尺寸浙撫

每月奏報時緩亦時急即今石簍下又見漲沙立較之昔立

標乃更增五尺

沙漲時有羸縮茲親臨勘驗較舊誌復增五尺大吏皆謂江海效靈然坍漲靡

常實不敢即以為慰也

效靈謾致頌安保無更易夫惟君與臣均

有安民責為民籌保障可弗此心悉何時沙坂堅魚鱗

易條石惟俟

天默佑斯實乏良策

閱海塘再疊舊作韻

依舊潮頭近逼塘

貽謨昔日計深良

自乾隆戊寅後潮勢後漸趨北壘恃魚鱗大石塘及坦水竹絡壩為罕護

益仰

皇考定

制實為萬世永賴

成規敬守脩柴石

先是建議者擬易柴塘為石工壬午親臨相度塘下活沙既汕澁不受格

而內徙又妨田廬因命專脩柴塘且增料值其餘石各工隨宜加斲俾資捍禦

古語誠符變海

桑

南州北漲北州南漲惟浙省為然蓋無百年不易之事

思復中疊亦過

平聲

望便

由故道敢私慶盡人事俟

神庥耳蒿目一勞念未遑

觀潮四首

鎮海塔傍白石臺觀潮那可負斯來塔山濤信須臾至

羅刹江流為

去聲

倒廻

橐籥堪輿呼吸隨混茫太古合如斯伍胥文種誠司是  
之二人前更屬誰

候來底藉鳴雞伺朔望六時定不差斫陣萬軍馳快馬  
飛空無轍轉雷車

當前也覺有奇訝間後本來無事仍我甫廣陵辨方域

枚乘七發觀濤廣陵之曲江注未詳其所在後世乃指  
浙江為曲江以浙江濤廣陵濤濶而為一蓋未深考漢  
書地理志餘杭屬會稽而不屬廣陵相習傳譌耳且如  
篇內伍子之山胥母之場並在吳境於揚於杭皆風馬  
牛不相及尤難強為比附因漫重七發述枚乘  
作廣陵濤疆域辨以正之

御製詩三集卷四十七